

სახელმწიფო შესყიდვების შესახებ

ხელშეკრულება № ქ-2/45

ქ. თბილისი

26.03.2018

წ

ერთის მხრივ თბილისის სახელმწიფო სამედიცინო უნივერსიტეტის „გივი ჟვანიას სახელობის პედიატრიის აკადემიური კლინიკა“ (შემდგომში „შემსყიდველი“), მისი გენერალური დირექტორის ლია მიძიგურის სახით და მეორეს მხრივ შპს „ბრიკო კავკასუს“ (შემდგომში - „მიმწოდებელი“), წარმოდგენილი მისი დირექტორის მამუკა დოლიძის სახით, ვხელმძღვანელობთ რა საქართველოში მოქმედი კანონმდებლობით, (დაფინანსების წყარო: კლინიკის 2018 წლის საკუთარი შემოსავლები) შემსყიდველის მიერ ჩატარებული აუქციონის გარეშე ელექტრონული ტენდერის (NAT180002702) საფუძველზე, ვდებთ წინამდებარე ხელშეკრულებას შემდეგზე:

1. შესყიდვის ობიექტი

- 1.1. შესყიდვის ობიექტია: ხელშეკრულების დანართი N1-ში (რაც წარმოადგენს ხელშეკრულების განუყოფელ ნაწილს) მითითებული ხელსაწყოები, საკეტები, გასაღებები, ანჯამები, დამჭერები, ჭავვები და ზამბარები/რესორები (CPV44500000): სხვადასხვა დასახელების საჭრისები, ბურღები, ხერხის პირები, სახრახნისის პირები.
- 1.2. შესყიდვის ობიექტის შესახებ დეტალური ინფორმაცია წარმოდგენილია ხელშეკრულების დანართი N1-ში, რომელიც თან დაერთვის წინამდებარე ხელშეკრულებას, როგორც მისი განუყოფელი ნაწილი.

2. ხელშეკრულების ჯამური ღირებულება

- 2.1 ხელშეკრულების ჯამური ღირებულება შეადგენს 775,80 (შვიდასსამოცდათხუთმეტი ლარი და 80 თეთრი) ლარს.
- 2.2 ხელშეკრულების ჯამური ღირებულება მოიცავს მიმწოდებლისთვის მოქმედი კანონმდებლობით განსაზღვრულ ყველა შესაბამის გადასახადს.

3. შესყიდვის ობიექტის მიწოდების ვადები, ადგილი და პირობები

- 3.1 შესყიდვის ობიექტის მიწოდება უნდა განხორციელდეს მხარეთა შორის ხელშეკრულების გაფორმებიდან არაუგვიანეს 20 კალენდარული დღის განმავლობაში.
- 3.2 შესყიდვის ობიექტის მიწოდება უნდა განხორციელდეს თსსუ გივი ჟვანიას სახელობის პედიატრიის აკადემიურ კლინიკაში, მისამართზე: ქ. თბილისი, ლუბლიანას ქ. N21, სადაც საქონლის გადაცემაზე სასაქონლო ზედნადებისა და მიღება-ჩაბარების აქტის გაფორმების მომენტიდან შემსყიდველზე გადადის საკუთრების უფლება საქონელზე.

4. ხელშეკრულების მოქმედების ვადა

- 4.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2019 წლის 31 იანვრის ჩათვლით, ხელშეკრულებით გათვალისწინებული ვალდებულებების სრულ და ჯეროვან შესრულებამდე.

5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება ფორმდება მიღება-ჩაბარების აქტით, რომელიც დადასტურდება „შემსყიდველისა“ და „მიმწოდებლის“ მიერ საამისოდ უფლებამოსილი წარმომადგენლების ხელმოწერებით. ხელმოწერამდე ყველა ქონებრივი უფლება საქონელზე ეკუთვნის მიმწოდებელს, რომელიც პასუხისმგებელია საქონლის შემთხვევით (მთლიანად ან ნაწილობრივ) დაღუპვაზე, განადგურებასა თუ რაიმე სახის ზიანზე. ხელმოწერის მომენტიდან აღნიშნული უფლებები და რისკები გადადის შემსყიდველზე.

5.2 მიღება-ჩაბარების აქტის გაფორმებასთან ერთად „შემსყიდველს“ წარედგინება ანგარიშსწორებისთვის საჭირო ყველა სხვა შესაბამისი საგადასახადო დოკუმენტი.

6. ხელშეკრულების ობიექტის ხარისხი და გარანტია

6.1 მიმწოდებელი იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში.

6.2 შესყიდვის ობიექტის ხარისხი უნდა შეესაბამებოდეს შემსყიდველის მოთხოვნებს.

6.3 ვარგისიანობის ვადა უნდა იყოს მხარეთა მიერ საქონლის მიწოდების შესახებ მიღება-ჩაბარების აქტის გაფორმებიდან არანაკლებ 6 (ექვსი) სრული თვე.

6.4 „შემსყიდველი“ ვალდებულია, წერილობითი ფორმით, დაუყოვნებლივ აცნობოს „მიმწოდებელს“ მიღება-ჩაბარების აქტის გაფორმებამდე ნაკლის აღმოჩენის შესახებ.

6.5 წინამდებარე მუხლის 6.4 პუნქტით გათვალისწინებული შეტყობინების მიღების შემდეგ, „მიმწოდებელი“ ვალდებულია, შემსყიდველის მიერ მითითებულ ვადაში აღმოფხვრას არსებული დეფექტები. მიმწოდებელს დაეკისრება, როგორც ხელშეკრულების ობიექტის დეფექტების აღმოფხვრა, ასევე აღნიშნული დეფექტების შედეგად შემსყიდველისა და მესამე პირებისთვის მიყენებული ზიანის ანაზღაურება.

7. ანგარიშსწორების ფორმა, გრაფიკი (ვადები)

7.1 „მიმწოდებელთან“ ანგარიშსწორება განხორციელდება ლარში;

7.2 შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;

7.3 წინასწარი ანგარიშსწორება გათვალისწინებული არ არის;

7.4 ანგარიშსწორება „შემსყიდველის“ მიერ მოხდება, შესყიდვის ობიექტის მიწოდების დამადასტურებელი დოკუმენტების - მიღება-ჩაბარების აქტის, სასაქონლო ზედნადებისა და კანონით გათვალისწინებულ შემთხვევში საგადასახადო ანგარიშ-ფაქტურის, კონტროლოს ჯგუფის დასკვნის, წარმოდგენიდან არაუგიანეს 10 სამუშაო დღის დღის ვადაში;

7.5 იმ შემთხვევაში თუ „მიმწოდებელი“ დაარღვევს ხელშეკრულებით განსაზღვრულ ვადებს დაეკისრება პირგასამტებლოს გადახდა, „შემსყიდველი“ უფლებამოსილია უარი თქვას სანაცვლო ვალდებულების შესრულებაზე მიმწოდებლის მიერ პირგასამტებლოს თანხის სრული ოდენობით დაფარვამდე.

7.6. ანაზღაურება „მიმწოდებელთან“ განხორციელდება მის მიერ ფაქტობრივად მიწოდებული საქონლის შესაბამისად. ხელშეკრულების მოქმედების ვადის ამოწურვის მომენტისათვის ხელშეკრულების საერთო ღირებულებიდან დარჩენილი თანხა რჩება „შემსყიდველთან“ და იგი არ წარმოშობს მხარეებს შორის რაიმე დამატებით ვალდებულებებს.

8. მხარეთა უფლება-მოვალეობანი

8.1 „შემსყიდველს“ უფლება აქვს:

- შეამოწმოს შესყიდვის ობიექტის შესაბამისობა ხელშეკრულებით გათვალისწინებულ პირობებთან.

- განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.

- უარი თქვას უხარისხო შესყიდვის ობიექტის მიღებაზე.

8.2 „შემსყიდველი“ ვალდებულია:

- წერილობით აცნობოს „მიმწოდებელს“ შესყიდვის ობიექტთან დაკავშირებული ყველა განსაკუთრებული გარემოების შესახებ.

- მოახდინოს ანგარიშსწორება „მიმწოდებელთან“ ხელშეკრულებით გათვალისწინებული პირობების შესაბამისად;

- დაიცვას ხელშეკრულების სხვა პირობები.

8.3 „მიმწოდებელს“ უფლება აქვს:

- მოსთხოვოს „შემსყიდველს“ მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით.

8.4 „მიმწოდებელი“ ვალდებულია:

- გააფრთხილოს „შემსყიდველი“ შესყიდვის ობიექტის შეფერხების შესახებ.

- დაიცვას ხელშეკრულებით გათვალისწინებული ყველა პირობა.

9. მხარეთა პასუხისმგებლობა ხელშეკრულების დარღვევისას

9.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისთვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე, შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

9.3 ხელშეკრულებიდან გასვლისას, მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულებიდან გასვლასთან და ზიანის ანაზღაურებასთან დაკავშირებით, შესაბამისად, გამოიყენება საქართველოს სამოქალაქო კოდექსი.

9.5 ხელშეკრულებით გათვალისწინებული ვალდებულების შეუსრულებლობის შემთხვევაში, დამრღვევ მხარეს ეკისრება პირგასამტებლოს გადახდა, სახელშეკრულებო ღირებულების 20%-ის ოდენობით.

9.6 ხელშეკრულებით გათვალისწინებული ვალდებულების ნაწილობრივ შესრულებული ვალდებულების შემთხვევაში, დამრღვევ მხარეს ეკისრება პირგასამტებლოს გადახდა, შეუსრულებელი (დარჩენილი) ვალდებულების ღირებულების 10%-ის ოდენობით.

9.7 „შემსყიდველი“ უფლებამოსილია შესყიდვის ობიექტის მიწოდების ვადის გადაცილების შემთხვევაში, დააკისროს „მიმწოდებელს“ საურავი, ყოველ ვადაგადაცილებულ დღეზე - მიუწოდებელი (დარჩენილი) შესყიდვის ობიექტის ღირებულების 0,02 პროცენტის ოდენობით, მაგრამ არანაკლებ 10 (ათი) ლარისა.

9.8 შემსყიდველი იტოვებს უფლებას ხელშეკრულების 5.1. მუხლის დარღვევის შემთხვევაში, ხელშეკრულების საერთო ღირებულებიდან განახორციელოს იმ დროისთვის არსებული პირგასამტებლოს თანხის დაკავება და გადარიცხვა შესაბამის ანგარიშზე.

9.9 9.8 მუხლის გამოუყენებლობა შემსყიდველს არ ართმევს უფლებას მოითხოვოს მიმწოდებლისგან პირგასამტებლოს გადახდა.

9.10 შემსყიდველის მიერ ანგარიშსწორების ვადის გადაცილების შემთხვევაში მიმწოდებელი უფლებამოსილია მოითხოვოს, ხოლო ასეთ შემთხვევაში შემსყიდველი ვალდებულია გადაიხადოს პირგასამტეხლო ყოველ ვადაგადაცილებულ დღეზე გადასახდელი თანხის 0.02 (წული მთელი და ორი მეათედი) პროცენტის ოდენობით, მაგრამ არანაკლებ 10 (ათი) ლარისა.

10. ხელშეკრულების პირობების გადასინჯვის შესაძლებლობა

- 10.1 არავითარი გადახრა ან ცვლილება, ხელშეკრულების პირობებში, არ დაიშვება ორივე მხარის მიერ ხელმოწერილი წერილობითი შესწორების გარეშე.
- 10.2 თუ რაიმე წინასწარ გაუთვალისწინებელი მიზეზების გამო, წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 10.3 ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.
- 10.4 წინამდებარე ხელშეკრულებით გათვალისწინებული პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 10.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.
- 10.6. ხელშეკრულებაში პირობების ცვლილება ფორმდება დამტებითი შეთანხმების სახით და წარმოადგენს ხელშეკრულების განუყოფელ ნაწილს.

11. ხელშეკრულების შესრულების შეფერხება

- 11.1 თუ ხელშეკრულების შესრულების პროცესში, მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.
- 11.2 იმ შემთხვევაში, თუ ხელშეკრულების პირობების შესრულების შეფერხების გამო, მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.
- 11.3 „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:
- ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;
- ბ) თუ მიმწოდებელს არ შეუძლია შესარულოს ხელშეკრულებით გათვალისწინებული, რომელიმე ვალდებულება.
- 11.4 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.
- 11.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

- ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
 - ბ) მიმწოდებლის გაკოტრების შემთხვევაში;
 - გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;
 - დ) საქართველოს კანონმდებლობით გათვალისწინებულ სხვა შემთხვევებში.
- 11.6 11.3 ქვეპუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

12. ფორს-მაჟორი

- 12.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.
- 12.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.
- 12.3 მხარე, რომელსაც შეექმნა ფორს-მაჟორული გარემოება, დაუყოვნებლივ წერილობით აცნობებს ამის შესახებ მეორე მხარეს.

13. დავები და მათი გადაწყვეტის წესი

- 13.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.
- 13.2 შეთანხმების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

14. ხელშეკრულების ინსპექტირების პირობები

- 14.1 „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.
- 14.2 ხელშეკრულების კონტროლს შემსყიდველის მხრიდან განახორციელებს გენერალური დირექტორის ბრძანებით შექმნილი კონტროლის ჯგუფი.
- 14.3 შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.
- 14.4 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

15. სხვა პირობები

- 15.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

- 15.2 მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.
- 15.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 15.4 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგნილი და ხელმოწერილია მხარეთა მიერ.
- 15.5 ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.
- 15.6 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე, მეორე მხარეს ეცნობება წერილობით.
- 15.7 ნებისმიერი ოფიციალური ურთიერთობა, ხელშეკრულების დამდებ მხარეებს შორის, უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია კომუნიკაციის თანამედროვე საშუალებების გამოყენება იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ, ან ხელშეკრულებაში მითითებულ მისამართზე, საფოსტო გზავნილის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე, იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

16. მხარეთა იურიდიული მისამართები და რეკვიზიტები

„შემსყიდველი“

თბილისის სახელმწიფო სამედიცინო
უნივერსიტეტის
გივი ჟვანიას სახელობის პედიატრიის
აკადემიური კლინიკა
მისამართი: ქ. თბილისი, ლუბლიანას ქუჩა
N21
საიდენტიფიკაციო ნომერი 211328703
სახელმწიფო ხაზინა, კოდი TRESGE22
ა/ა: 708987301

„მიმწოდებელი“

შპს „ბრიკო კავკასუს“
მისამართი: ქ. თბილისი,
მარშალ გელოვანის გამზირი
ჰიპერმარკეტი ბრიკორამა
საიდენტიფიკაციო ნომერი: 405067494
ბანკი: სს „თიბისი ბანკი“
კოდი: TBCBGE22
ა/ა GE26TB7009036150100002

გენერალური დირექტორი

ლია ძიმიგური



დირექტორი
მამუკა დოლიძე



405067494

ხარჯთაღრიცხვა (ფუსქების გზილი)

N	საჭომლის დასახელება	ეყრდნობა ესდამდებარებული	ემსახურება ესდამდებარებული	ემსახურება ესდამდებარებული	ემსახურება ესდამდებარებული	ემსახურება ესდამდებარებული	ემსახურება ესდამდებარებული	ემსახურება ესდამდებარებული
		1	2	3	4	5	6	7
1	პლასტის უნიკორსალური დუბული (ლატოკინ) (გასტრ ჯგუფი)	რესუსტი	პლასტის უნიკორსალური დუბული	ვალი	200	0.13	26.00	
2	"მარგარი" საჭრელი დისკი MET/INOX125X1.6. რივოსს საჭრელი (ზრივინამა)	საფრანგეთი	DISC. TRONC.MET/INOX125X1.6	ვალი	20	7.30	146.00	
3	ბურლის თავვაკების ნაკრები ბურლისთვის 3 - 10 მმ; სატარეტელი კონტინენტით; (კოლფ კრაფტი)	გერმანია	ბურლის თავვაკების ნაკრები ბურლისთვის 3 - 10 მმ; სატარეტელი კონტინენტით	კომპლ.	1	77.70	77.70	
4	ბურლების ნაკრები 3 - 10 მმ; სატარეტელი კონტინენტით, რეინსათვის (სკილ)	საფრანგეთი	COFFRETS FORENT HSS DIN338 19PC	კომპლ.	1	93.75	93.75	
5	ხის ბურლების ნაკრები 3 - 10 მმ; სატარეტელი კონტინენტით (სკილ)	საფრანგეთი	COFFRETS MCHE BOIS 3P 7 PCES	კომპლ.	1	45.30	45.30	
6	ესპუსტება ქარჩევის ნაკრები არანაკლატ 8 (რვა) სხვადასხვა ზომა, თვეის კონტინენტით ე.წ. „შისტიგრანიკე 8 (რვა) სხვადასხვა ზომა,	საფრანგეთი	CLES ALLEN HEXAGONALE+BALL END	კომპლ.	1	30.35	30.35	

7	ქანტექის ნაკრები არანაკულტ 8 (რვა) სხვადასხვა ზომა. თავის	საფრანგეთი	SET CLES TROX 9 PIECES	კომპლ.	1	31.05	31.05
8	ბრტყელტუბა (ცოლსწორი)	ფინეთი	TOL-10002 ბრტყელტუბა მ ტელის წუნინის	ცალი	2	9.90	19.80
9	ლურსმანი 30 მმ (მსატორ ჯვარი)	რუსეთი	ლურსმანი 30მმ 91.6) 25.36	36	1	3.65	3.65
10	ლურსმანი 60 მმ (მსატორ ჯვარი)	რუსეთი	ლურსმანი 60მმ	36	1	3.20	3.20
11	თაბაშირ-ტუათსოფი, შავი ჭანჭი 3.5X25 მმ (მსატორ ჭუდი)	რუსეთი	სამშენებლი მუჟამ.თაბაშ 3.5*25 ბურდით	ცალი	1000	0.03	30.00
12	თაბაშირ-ტუათსოფი, შავი ჭანჭი 3.5X45 მმ (ტორესტი)	რუსეთი	Drywall Screw, Self Tapping, Black Phosphate	ცალი	1000	0.19	190.00
13	წრის ფორმის, ხეზუ ამოსაჭრელი გვირჩვინის სეტი (კომპლუქტი) კონტეინერით)(აკზლერი)	თავისებური	MASTER PAN SETI 8 PARCA	კომპლ.	1	34.85	34.85
14	ე.წ., „ბალგარკის“ საჭრელი დისკების ნაკრები კაფულ-ტეტლასისფოს კომპლუქტით არანკლუტ 36. 115 მმ(კონტეინერი)	დანია	საჭრელი დისკების ნაკრები 3 გ. 115მმ	კომპლ.	1	44.15	44.15
						775.80	
			სულ:				



გენერალური დირექტორი

ლია მიმიგური

დირექტორი
მამუკა დოლიძე